

ԾՐԱԳԻՐ
«ԿՐԹԱՎՃԱՐՆԵՐ»

1.	Ծրագրի նպատակը	Ծրագրի նպատակն է աջակցել Հայաստանի Հանրապետության պետական և մասնավոր բարձրագույն ուսումնական հաստատություններում, նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատություններում համապատասխան մասնագիտությունների գծով ուսուցանվող, սոցիալապես անապահով և անվճարունակ ուսանողներին՝ կրթավճար և կրթաթոշակ տրամադրելու միջոցով:
2.	Ծրագրի բարեգործական որակման նպատակը	Օրենքով սահմանված կարգով օգտվել Հայաստանի Հանրապետության հարկերի, տուրքերի և այլ պարտադիր վճարների գծով արտոնություններից:
3.	Բարեգործը	Հայ օգնության ֆոնդ (630 երկրորդ պողոտա, Նյու-Յորք, ԱՄՆ)
4.	Ծրագիրը կատարողը	Հայ օգնության ֆոնդի Հայաստանի մասնաճյուղ, (Հայաստանի Հանրապետություն, քաղ. Երևան, 0010, Խորենացու փողոց 22, ՀՎՀՀ՝ 02517115)
5.	Ծրագրի իրականացման վայրը և բնագավառը	Վայրը՝ Հայաստանի Հանրապետության մարզեր և քաղ. Երևան Բնագավառը՝ կրթական
6.	Ծրագրի բյուջեն	149,700,000 դրամ
7.	Բարեգործությունն ստացողը	<ol style="list-style-type: none"> 1) ՀՀ բարձրագույն ուսումնական հաստատությունների բակալավրիատում, մագիստրատուրայում, կլինիկական օրդինատուրայում և նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատություններում սովորող տարբեր մարզերի 280 ուսանողներ. 2) ծագումով Գեղարքունիքի մարզից 60 ուսանողներ, որոնք սովորում են Գավառի պետական համալսարանում և Ճարտարապետության և շինարարության Հայաստանի ազգային համալսարանում.

		<p>3) Գավառի մանկատան կողմից երաշխավորված, ՀՕՖ-ի երեխաների աջակցության ծրագրի շահառու, միակողմանի ծնողագուրկ, ուսումը շարունակելու ցանկություն հայտնած երեխաների խնամքի և պաշտպանության այլ հաստատությունների 56 երեխաներ.</p> <p>4) Տավուշի մարզի սահմանամերձ համայնքներից բարձրագույն կրթություն ստացող թվով 35 ուսանողներ.</p> <p>5) Լեռնային Ղարաբաղից տեղահանված Հայաստանի Հանրապետությունում պետական բուհերում սովորող 30 ուսանողներ:</p> <p>Ընդհանուրը՝ 461 ուսանող:</p>
8.	Ծրագրի իրականացման տևողությունը	2024 թվականի հունվարի 1-ից մինչև 2024 թվականի դեկտեմբերի 31-ը:
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<ol style="list-style-type: none"> 1. Կրթավճարների տրամադրման մրցույթների մասին հայտարարությունների տարածում ՋԼՄ-ների միջոցով (սախատեսվում է իրականացնել 2024 թվականի մայիսի 1-ից հուլիսի 31-ի ընթացքում): 2. Մրցույթների մասին հայտարարությունների տարածում վերոնշյալ բուհերում և նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատություններում՝ հայտարարությունները փակցնելու, կայքերում տեղադրելու միջոցով (սախատեսվում է իրականացնել 2024 թվականի մայիսի 1-ից հուլիսի 31-ի ընթացքում): 3. Փաստաթղթային փաթեթների տարածում բուհերում, այլ կրթօջախներում (սախատեսվում է իրականացնել 2024 թվականի մայիսի 1-ից հուլիսի 31-ի ընթացքում): 4. Մասնագիտական կողմնորոշման աշխատանքների կազմակերպում մանկատներում և խնամքի այլ կենտրոններում: 5. Դիմորդների կողմից լրացված փաթեթների ընդունում (սախատեսվում է իրականացնել 2024 թվականի հուլիսի 1-ից օգոստոսի 31-ի ընթացքում): 6. Փաթեթների դիտարկում, նախնական ընտրություն (սախատեսվում է իրականացնել 2024 թվականի օգոստոսի 1-ից օգոստոսի 31-ի ընթացքում): 7. Բոլոր դիմորդների տնայցեր (սախատեսվում է իրականացնել 2024 թվականի օգոստոսի 1-ից օգոստոսի 31-ի ընթացքում):

		<p>8. ՀՕՖ-ի կրթական ծրագրերի համակարգող խորհրդի նիստի աշխատանքների կազմակերպում՝ վերջնական ընտրություն կատարելու նպատակով (նախատեսվում է իրականացնել 2024 թվականի օգոստոսի 1-ից սեպտեմբերի 30-ի ընթացքում): Կրթավճարները տրամադրվում են մրցութային կարգով, հաշվի առնելով երկու հիմնական չափանիշներ՝ դիմորդի ընտանիքի սոցիալական կարգավիճակը (անապահովության միավորը) և ակադեմիական առաջադիմությունը:</p> <p>9. Կրթավճարի մրցութի հաղթողների ընտրություն և արդյունքների մասին իրազեկում և հաղթող ճանաչված ուսանողների հետ պայմանագրերի ստորագրում (նախատեսվում է իրականացնել 2024 թվականի սեպտեմբերի 1-ից սեպտեմբերի 30-ի ընթացքում):</p> <p>10. Կրթավճարների փոխանցում համապատասխան ուսումնական հաստատություններ (յուրաքանչյուր կիսամյակ):</p> <p>11. Ամենամյա կրթաթոշակների վճարում ուսանողներին:</p> <p>12. Բուհերի և նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատությունների հետ մշտական կապի պահպանում՝ ուսանողների ակադեմիական առաջադիմությանը հետևելու նպատակով (ուս. տարվա ողջ ընթացքում):</p> <p>13. Առաջադիմության արդյունքները ուսումնասիրելու նպատակով Կրթական ծրագրերի համակարգող խորհրդի նիստերի գումարում (յուրաքանչյուր կիսամյակի ավարտից հետո): Ծրագրին մասնակցությունը կասեցվում է, եթե ժամանակի ընթացքում փոփոխվել է ընտանիքի սոցիալական կարգավիճակը կամ վատացել է ուսանողի ակադեմիական առաջադիմությունը: Նման դեպքերում փոխարեն ընտրվում է նոր ուսանող՝ ելնելով վերոնշյալ չափանիշներից:</p> <p>14. Ուսանողների մասնակցությամբ բարեգործական միջոցառումների կազմակերպում (ուսումնական տարվա ընթացքում):</p> <p>15. Ծրագրի բնականոն ընթացքն ապահովելու համար անհրաժեշտ այլ միջոցառումների կազմակերպում (ուսումնական տարվա ընթացքում):</p> <p>16. Ծրագրի իրականացման համար անհրաժեշտ ֆինանսական միջոցներ.</p> <p>1) կրթավճարներ 123,250,000 դրամ</p>
--	--	---

		2) կրթաթոշակներ 15,350,000 դրամ 3) ծրագրի ղեկավարի աշխատավարձ 3,000,000 դրամ 4) կապի և հաղորդակցության ծառայություններ 1,500,000 դրամ 5) հաշվապահական ծառայություններ 6,600,000 դրամ
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	1) կապի և հաղորդակցության ծառայությունների ձեռքբերում՝ 1,500,000 դրամի չափով. 2) հաշվապահական ծառայությունների ձեռքբերում՝ 6,600,000 դրամի չափով:
11.	Ծրագրի իրականացման հետ կապված կազմակերպական ծախսերը	Ծրագրի սպասարկման համար ծախսվելու է 11,100,000 դրամ՝ ծրագրի ընդհանուր արժողության 7.4 %-ը: Ծրագրի սպասարկումը ներառում է՝ 1) ծրագրի ղեկավարի աշխատավարձ 3,000,000 դրամ 2) կապի և հաղորդակցության ծառայություններ 1,500,000 դրամ 3) հաշվապահական ծառայություններ 6,600,000 դրամ
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Սույն ծրագրի իրականացման շրջանակներում ՀՕՖ-ը համագործակցում է. 1) Հայաստանի Հանրապետության կրթության, գիտության, մշակույթի և սպորտի նախարարության. 2) Հայաստանի Հանրապետության աշխատանքի և սոցիալական հարցերի նախարարության. 3) բոլոր վերը նշված կրթօջախներից. 4) երեխաների խնամքի կառույցների հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Վերահսկողությունը կատարվելու է ՀՕՖ-ի հոգաբարձուների խորհրդի կողմից, ինչպես նաև Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ